

Fylkeseldrerådet i Hordaland
Agnes Mowinckelsgt 5
Postboks 7008
5020 BERGEN

Utval for miljø og samfedsel (MISA)
og Fylkesutvalet
v/ fylkesordførar
Postboks 7008
5020 BERGEN

Bergen den 24.05.2018

SAK: Båtruta i Osterfjorden

Fylkeseldrerådet er gjort kjent med at saka om båtruta til veglause grender i Osterfjorden skal handsamast i MISA den 6. juni og i fylkesutvalet den 26. juni 2018.

Fylkeseldrerådet meiner at denne båtruta må oppretthaldast, og har tidlegare uttalt seg i saka, sjå brev av 11.12.2017 til fylkestinget v/ fylkesordførar.

Fylkeseldrerådet har fått opplyst at det bur 21 fastbuande som er avhengige av båtruta, og at det i tillegg er fleire som nyttar fråflytta gardar og bustader som fritidsbustader i helger og i feriar.

I tillegg til dei momenta vi nemnde i brevet av 11.12.2017 for å oppretthalda båtruta, vil vi peika på kor viktig det er at busetnaden i grisgrendte strok blir halden oppe, slik at kulturlandskapet og bygningsmassen blir halde i hevd. Erfaring viser at dersom det ikkje er folk til å stella om hus og landskap, så tek det ikkje lang tid før landskapet gror til på ein måte vi ikkje ønskjer, og at hus forfell.

Vi vil derfor på ny peika på at fast busetnad på desse stadene er avhengig av at det finst regelmessig båttransport, og at for folk langs båtruta er båten deira kollektive transporttilbod liksom buss og bane er det for andre.

Med venleg helsing
Fylkeseldrerådet i Hordaland

Kåre Ystanes
Leiar